

知
足
齋
詩
集

知足齋詩集卷第六

己亥至癸卯

大興 朱珪 石君

次翁覃溪韻壽圖裕軒學士同年六十初度

溪山近郭最宜田不改觀河六十年自刷黃精稱老圃
已參白業得初禪雨聲負負連牀樂月影長看舉案圓
藉甚清華錢若水急流勇退詎非仙

拍手聯吟白玉堂秋花綴錦豔初陽

秋花綴錦文裕軒館課佳句也

年星聚人同淡千里鴻歸路覺長蠟屐雲山聊作達

裕軒

方游種砂月窟自生香奉君璧馬應無價珍重甘醪醉

西山

裕軒有志學道故戲及之

乾隆己亥五月奉

命典試福建時

皇帝在上書房作詩 寵行敬次元韻

詔節下金闈客心馳使牡徘徊戀

講帷箴獻慙蒙叟三年侍昕夕半載違

左右寵我驪駒篇勤勤感執手此行雖不遠南望指牛

斗回首金枝雲真意承筐厚湖洄隔江河迢遞踰嶺阜

御園庚火流閩海炎風久叢桂舉幽芳木蘭賦孔有行

園蹴塞冰還槎拂隄柳屈指相見期應及早梅後養心

和六六納善先九九修途勉就將漸進戒卻走雞鳴關

氣志麟趾蕃郊藪升高自有基集虛良無負嘉貺何能
酬徵誠聊用剖

易京城

方輿紀要易京城在雄縣北後漢末公孫瓚據
幽州築此杜佑曰歸義縣南十八里卽易京城
紀要又云廢易縣在雄縣北三十五里唐曰歸
義然則易京城當在雄縣北十六里矣紀要又
云石季龍擊慕容雋還至易京惡其險固而墮
之今舊址僅存予訪之士人不知其名惟北十
五里有土阜輿夫呼爲土圪塔豈其故址與

燕南趙北易京城逐鹿如何窟自營空擬樓臺天上險
忽聞鼓角地中鳴季龍墮後應無跡拒馬流經尚有聲

白溝河亦

曰拒馬河

白溝河

易水東入涑濡水北注之白溝與拒馬同匿名或歧宋

遼此割界雄涿分領治

歸信宋之雄州治歸義屬遼之涿州

童貫始構斃

种劉屢喪師

种師道次白溝遼人敗其先鋒退保雄州既而劉延慶度白溝至良鄉爲遼所敗

宦豎倒太阿安能拓四維明初蕃椒聊勢殊漢景恭景

隆尚乳臭豈敵熊虎姿此地一鏖戰白浪翻燕支可憐
忠義士百死甘淋灘地形異今昔憑弔多感噫帆檣一

川駛梁菽萬頃滋豐年信可樂晴雨方及時攬轡燕趙
閒欲補由庚辭

宿德州追弔李觀察燕

李君洛陽人辛巳進士予己卯主河南鄉試所
取士也由縣令遷知德州歲甲午壽張盜作亂
攻臨清大學士舒公率師逕此州當水陸之吭
君晝夜勤勞帖然咸辦事平

上知其才擢知濟南府旋授濟東道人稱其賢今年春
以暴疾卒年四十有一惜哉予過德州感而有
作

憶昨李侯司牧日禁軍枕席過趁趨賢勞已見鳶肩達
天闕誰令劒氣函甘載門生君最少一方與頌爾無慙
如何信宿平原郡草色棠陰意不堪

詠顏平原

妖星照野海飛濶灑血何人首築壇西望常山舌不爛
南流隴水齒先寒論功千載汾陽郭轉敗三齊卽墨單
忠義神仙同脫屣漫將尸解擬劉安

或疑公好神仙不知公真不死矣

晏城

晏子采邑

晏嬰古民望清風激當時敝裘與澣濯儉節良足師抗
身摧陳閒履虎何委蛇遄臺發讜論不阿君所私歸貴

而屢賡謫諫陳民瘼慨懷憂國本惟禮可已之惜哉景
不競牛山涕空揮禮下越石父明教御者妻獨有二桃
謀長令梁甫悲尼谿沮大聖所見無乃卑方聞豈能
傳聞或異辭停軒晏城北濯纓清河西斯人不可作執
鞭尚可爲

過長清境感悼仲君先兄

長清界清濟曲注中川流玉符隱靈秀青崖羅娉修石
門與石筓故蹟尚可蒐沈吟獨有感灑涕歌鳴鳩哲兄
昔令此豈弟勤鞠謀俯仰二十載棠蔭今日稠歸來采
籬菊至愛欽庭楸如何悟兜率長往遺喧湫我行虛城

左瞻望懷咿嘷桐鄉庶臨睨清夢還相求

長城

長城泰山陰陰陽劃齊魯戰國爲鉅防設塹南備楚壁
門閒邸閣際海左右拒橫帶千里遙縱扼兩戒膂如何
松柏閒不保卽墨莒或傳杞梁妻長號撼風雨城隅爲
之摧哀音變商羽至今有遺祠山鬼歆豆俎岡頭何疊
纍石址尚齟齬西顧碣磬津東望穆陵岨在德不在險
豈獨歎廣武

登泰山詩一百韻

岱爲嶽之宗仰止心所嚮使聞此經過偕友愜賡唱策

馬出北門遙青疊高嶂憩麓易山輿階升初用壯橫肩
倏左右猱捷絕牽傍盤道篩土覆龍媒引

天仗積雷所衝齧缺齧或礙妨斗宮暫徘徊聽泉清鞦
韆水簾噴珠綃纓絡曳澆瀆遂躋壺天閣超然凌蓬閣
天關轟迴馬不待九虎抗連連十二盤呀喘暍且煬息
霄慰輿人聚足賴筇杖直闖第二門霄半得臯闕役夫
爭噏嚼笑乏青精餉踰此翻迤邐屈折迷背向脈轉羊
腸夷峽度龍脊益豁舒漱石厂漱滴沁肝臟嶽嶽伏而
起有坪曰御帳宋眞宗駐蹕處銀漢倒滄滄太白浩沆沆佇立
棧閣閒洗耳胸已盪咄哉五大夫非秦亦輩行暴能赭

君湘名恐誤博浪何方石飛來風怒根可颺朝陽洞闕
血呼吸谷神旺其北對松山鱗甲萬虯張九鈞奏琴祝
鸞翠舞匳桁龍門何豁開口吐千里漲仰攀十八盤萬
仞壘敦甃跟頂相乘承踏蹬一夫當嘗然狷天門凌兢
御風愴指點日月觀已出恆星上左達徑天衢愉列喜
平曠樞衣趨靈宮元君世崇尚或云古玉女道成超無
量或云坤爲母富媪倪天伉我疑岱天孫雲車肅臨况
更上謁嶽祠升中誰所勅七十二代君於此奠圭瑒其
陰磨崖銘雷碾斫大匠典則燕許筆螭匾體跌踢宋礪
苔模糊天書實欺誑煌煌我

列聖照曜萬禩仰雄辭高响嶮盛禮秩柴望何用誇鶴
鰈四極闢輪廣右款青帝宮像設窈窕狀東方靈威尊
大皞木德王如何名實舛九蓮移供養再上玉皇峯俯
視萬屏障手摩無字碣屹立誰敢傍李斯篆已焚漢武
石或諒殿前岱頂髻突兀睇真相蓮花開蕊瓣凹處甘
露釀一勺舌本清泥丸吸漉沉東南望滄海杯水瀉容
漾西下禮先師匹練瞭軋塊躡哉小天下壤土畚不
讓復登禮斗壇長空想梵放諸峯一環眺欲蠟屐幾緡
洞天與福地疇能罄寶藏西南得面勢已扼青鳳吭泮
汶交如帶東滙西流萊云亭近師師衡華遠將將豈惟

齊魯青自覺垓埏暢山蔬鬻金鍼眞味却鸞醬餘興探
險奇捫蘿勇一迂倒景正瞳矐翔乙交頡頏誰鞭飛仙
橋嵌空造虛舫縈縈一縷雲幻出泮泮統團團蒼荀香
不比青草瘴燎竹穿氤氳逸氣猶倜儻齋个一燈明擁
衣夢靈貺忽驚大塊噫颺輪掀萬兩雷電移龍湫滂沱
裂天削傾瓢滴青驄下界愁隄防浴暎闕壯觀待且增
招悵雨息尚淋鈴療寒碎濁隘及下萬丈強翻令魂魄
喪狂奔無地底性命惴臨壙瀑濤倍呼洶一鼓萬壑脹
出麓陟仙樓回首意悵悵聯鑣驅款段相視笑無恙入
城拜下宮巍峩宜灌鬯稽首神聽壹敢祈福无爰旋紐

蚓屈鐵寄生虎挂韞唐槐擘枝撐漢柏森駘髒

聖筆貌交柯神守敢窺掠巋然石幢古巖劉嗟莫訪茲

游藉賢主夙願快已償太守昌黎宗韓名龍震直隸高陽人循吏

江夏亢黃名鈴湖南善化人贈我開元榻展讀倦僕快未闕鴛鴦

跌難辨白巖葬瞥眼多挂漏紀蹟徒冗長題名從伊川

借程澄江員外濟勝追家兄竹君兄庚寅使閩亦登岱也久畱羨巖棲遯去

畏官謗憶昔祠祝融雲海覽激宕行指仙霞峻且擊吳

越榜舊游重涉獵浩歌助慨忼披文揆幽潛銘心據直

讜良無南山才聊取識遺忘

羊流店 羊叔子故里

徂徠迴首接崢嶸
汶水西流逕鉅平
石闕有人悲後死
金環何處證前生
壺觴心醉吳家將
裘帶風傳蔡氏甥
一統功成勞聖慮
九原隨會共深情

過郟城寄王同年恆

徘徊傾蓋亭欲訪白頭友
思君若調飢離索驚已久
昔與君同門館閣意良厚
君行辭鳳巢遠宦踰嶺阜
至今莆田人予諒歌慈母
及我官閩越相見珍瓊玖
君復引疾歸燕鴈遂相負
儵瞬二十年會面各老醜
豈知結廬偏未得遽執手
同人如晨星錯落淡參斗
邵伯樹空厓謂邵太錢鏗天不壽謂錢少司寇汝
守齊然誠皆以今年卒荆陳冠蓋逢陳馮

杖屨偶謁來鄭子城山莊隔防守

君居縣西北三十里防守莊

聞君

教諸郎能紹韋經否槐蔭想扶踈何當共尊酒

宿遷縣西北七十里爲下相城秦縣項籍下相人

也詢之士人云縣有項王廟而無香火感而作歌

峒崕山岡斷復起龍頭遠吸江淮水重瞳擲劔白帝腥
手搯眞龍掉赤尾壁上諸侯心膽寒當筵撞斗摧忠肝
美人帳舞泣風雨儒生城守號衣冠鼎肉分羹君不忍
伏弩猶堪射隆準百二河山梟雉分八千子弟蟲沙盡
誰與好事狄梁公詆欺故鬼餒不雄黃樓泗水空遺蹟
下相荒祠弔古風

出都日竹君兄贈我長歌三十六韻臧行篋中過
淮陰舟中發而讀之乃得次韻

長勤翼倦樂暫休便靜倪動當遠游三萬六千雲衣狗
東西南北風馬牛我行聞粵別豈久臨歧贈我清歌修
此邦文獻兄手錄然犀照海珊網收橘黃荔丹昔拱把
十年又見霄烟浮延津交劒氣隱斗螺嶺應石聲鏘球
山川阻深空谷秀國香脈脈心香搜著書尚欲抗馬杜
講學未肯卑嶧鄒鼇峯頂上曾駕說諸生爲我神淹留
我時初壯今向老芙蓉開落二十周久拋菑畬就鹵莽
差可臭味分醜酋輸君曠蕩海鷗逸愧我局縮轅駒縉

宦遊將逮天下半勝蹟屢負山靈羞茲來稍覺日月暇
計程坐嘯江淮舟丑與午憩避炎暘間復攬轡調剛柔
跋泥厲水不足道喜見岱嶽雄東陬躋攀絕磴敏天闕
呼吸上緯儼撐囊高齋夜宿吼風雨齊汨擬作銀潢沔
惜哉未踐對牀約商歌不其初平儔翻思大觀盪雲海
黃山衡山誰拔九卽今渺瀰棹吳楚湖波連天靄迺愁
蠻社堤頭蓼花紫謝公堰上棠陰秋六月二十六夜泊
邵伯驛明旦寅刻
立金山窅堵最上級俯瞰無帶江天悠西湖幽處一凝
盼故俟瓜蔓心如抽謂同年杭州太守邵開谷新近衢巖佳絕風往復
夜渡七里風颺颺江郎曾覩蠹頂踵三生念爾情吟歎

仙霞庾嶺賡舊句冰銜依舊心渝不

子已別秋自翰林侍讀學士授福建

糧驛道冬度仙霞嶺口占云千峯迎我碧峻贈回首瓊樓意不勝莫謂頭銜新換却此心依舊一條冰今二十

年復以待講學士典試入闈俯仰前後益增晚節之凜矣傳家德薄書易蠹報

國

力小

恩難酬

甲申冬聞赴出嶺不忍作詩泣而自傷得二句云有書尚作傳家種無父空餘

報身注雅蟲魚欠識字偷倉雀鼠解怒調達天君自追

玉局養生我亦師子由貫珠但保一黍得如縷莫令千

絲繆亾羊詎辨書與博笑譽奚足生喜憂文章金石君

不朽寸田尺宅吾所求別腸雖暫尚車轉拱壁坐進誠

或優奇詞險語感深厚舟中百讀歌聲道寒光映驪三

十六和罷仰看龍尾稠

此後大火將西流尾將中

閻妣姬傳

爾

設帳於梅花書院作此代柬

十年前疊子瞻詩

子與姬傳同辛亥生巳丑冬君川東坡龍鍾三十九詩韻見寄會和之

彈指風輪隙景馳絳帳梅花疑市隱玉杯繁露肯園窺

飛霞應憶調張舊

張開士少詹亦辛亥生時同作案字韻詩

積雪難忘訪戴

謂戴東原吉士二君皆與姬傳友善今巳作古人

老我遽非誰共證一帆秋

水阻漣漪

渡揚子江登金山

廿年前上浮玉尖

庚辰秋

凌空下瞰根不粘山腰殿閣疑

幻蜃但見天水磨晶隘日歸風禱江陰口

甲申冬

江神憐

我啼由苦鯨吐鼇擲三百里夜半指點金焦膽我今乘

舟人語集卷之七
一
槎復逕此江山舊雨心所快清晨踰關抵瓜步秋風初
爽颺半帘印須我友喜其舫挂席卽見青排籤中流掀
籤稍呼洶轉側帆脚迎飛廉儵瞬已繞伏牛麓老僧導
我登巖巖

聖 神作述照龍貝大書豐碣深磨鎌遂攀浮圖第七
級凌兢四面窺周檐焦山覆釜辨顛趾海門浴日宜升
暹長山銀蒜接北固咫尺面勢窮毫纖頭陀洞前小坐
憩蓬開舵振憑窻簾中冷試酌第一水清涼習習解暍
炎每逢勝蹟暫畱眺左右屹石迴瀧漸長江天塹限南
北一葉歌棹何輕恬人生邂逅適如此乘流而逝坎則

淹東坡無田歸亦得祖生擊楫志豈厭登舟欵乃達京
口一笑底用熊魚兼

揚州弔史閣部

梅花嶺葬公衣冠
有祠歸當拜謁

金陵王氣三百終傾厦一木支史公倉皇擁立豈當璧
公孫協謀亾社宮二姦比耦尚有臭四鎮跋扈難爲功
獨揮血淚染疏草誰息燕舞春燈紅長淮不守失天險
小東門外何從容前有文山後漳浦三光蕩摩氣貫虹
師門含笑左御史黃芝遙映藍青同招魂袍笏妥溫序
梅花嶺月秋原風報書一篇義不朽

聖朝破格旌孤忠搜羅祕府闡幽晦汗青信史昭無窮

家書遺像荷

題獎激揚萬古由

天衷嗟公一死重山斗浩歌長嘯江淮東

擬謝康樂富春渚用原韻

漸江湖盤紆觀山鬱城郭扁舟中浩淼層巒遠迴薄暫
霽翠花暉滄雨珠霏錯申屠歧清惠赤松闕洞壑開張
得曠覽窈窕想幽託帆風惜超越梯雲愧蹇弱詎無尚
子心未踐疏公諾石根曼膚寸烟樹隱村落仁智從所
觀默存在蝸蟻

桐廬道中

近山烟已開一峯獨出雲紅花崖根豔綠茸風度芬山
脚尚東抱溯流遂西分鵝灣景漸幽幽漱石沙沄沄霏雨
間鳴瀨洗心遺觀聞拖舟上清渚回首辭桐君

釣臺謁嚴先生祠

高磯俯三江迴峽鎖九曲先生考槃處古木森寒綠雲
臥干象緯龍隱淨無欲沈冥似君平東京振國俗竭來
遺祠下清曠恣眺矚西臺臯羽慟蘆茨元英劄苦節陵
夷齊孤魂招均玉南巖面雙墳遙揖松蔭縛護信各隨
時知恥期遠辱再拜謝前賢斯義敢不勗

擬康樂七里瀨用原韻

擊舟鷓鴣疊雙峽旋幽眺湖水憑積風亂淙避危峭
雲無停炊輪景乍吐曜東西矗崇臺猿鶴助清嘯暫闕
深密蹊兼得知仁妙謁來互順逆淹速生欣諒且息抱
舊機愧彼直鈞釣更上烏石灘一發滄浪調

貌頭潭木蛟歌

貌頭潭距龍游縣三十五里潭底有巨木二橫
數十丈秋水澄霽首尾鱗爪宛若蛟龍亢旱禱
雨輒應土人謂之木蛟

大末東北潭貌頭古樹鬱翠枝蟠樛傳聞其下有沈木
雙蛟偃臥僵不游何年風雨拔巨物人工鬼斧豈莫

蟄虬蛻骨堅比石沙磨水盪精靈道每當秋冬澄鑿底
下瞰鱗爪拏幽膠歲旱禱祈致霖澤變化能作蒼黎床
我來水漲不爾覲儵忽送我風颺颺乘陵自可貫四海
邪許何用迴萬牛歸時莫厭然犀照但恐夜半移靈湫

觀河燈

雲陰解駁光吐蟾處暑纔過月十三龍游溪水淨如穀
停機夜泊溪之南粵人機鬼沸鐃鼓中流近遠鉤復鉤
臨河放燈照幽窟九淵暘暎交耿耿初看漁火星在罾
漸比海月珠浮蚌貝聯鯨貫數百顆舍利影撒浮圖龜
青蓮花開無閒樂老驪摩頷驚睡酣牟尼變化眼無界

光明一片月印潭鄰船啁歌管發越吟楚調隨呢喃
羣雞忽唱失昏曉錯疑佳節當傳柑

江郎峯

我初過江郎雲霧歆歆捎天長歸來及冬霽三峯巉巖
見根柢我今別郎十六年郎應笑我華生顛玉池漱水
未解渴金丹鍊骨非眞堅羨郎兄弟早得道三茅拔宅
同不老右連五嶺開萼跗左酌三江瀉杯潦秋風喜放
三日晴嵐紅林翠生光晶中郎翊翊左右讓東峯軒闥
宜伯兄薦蘿盤根施松柏旃檀墮枝香滿陌奇閑偶合
嬰姪交泥丸流泉潤跟蹠翔鴻唳鶴誰能上蓮花削成

飛仙掌人生伯仲如此難陟岡回首歌聲朗

蘇嶺

江郎石惟長山頭三峯了然過西則但見右面如赤壁耳

江郎一面赭蘇嶺萬竿青雲路初緣磴淙聲已建瓴山

僧請舊雨使者閱流星壁上吹壙句登臨記此經僧壁有竹

君見庚寅奉使過此贈聯

黛嶺

峽口一艇西埭頭兩丫仰古樟多蔽畝幽篁密攢仗兩
崖青盤螺懸瀑琤萬丈洞天漏倒景梯雲引孤上已疑
陰陽割穹碧切摩礮度嶺復開張泉樹宜膏壤其陽萬
屏遮似絕猿攀想豈知層霄外仙霞逼莽蒼

仙霞嶺

凌晨發山館逶迤入嶺麓日及粲白丹蒼蔚交竹木壁
蝸延一線蟻磨旋干輓仰睇闕青蒼迴矚蕩心目山腰
得精廬呀喘息興僕再鼓升天險重關搃地軸唐巢力
攻堯宋浩事剷築七百六十磴上下捷柔鹿重來躡飛
霞一俯眾峯轟茶嶺接小竿突兀更騰伏澆澆下瀨水
閩浙雨不蓄西流達江西百里走瀧瀑地脈所屈蟠龍
蛇斷起陸曠途暫顧眺前行勢方族

流嶺

大竿與流嶺名異實不殊川原甫夷曠再束九嶽崖攀

登二百級天半鬱以舒復上犴椽樂歷歷摩星榆巖疆
劃閩浙居保從無諸陰陽異涼燠懸派分注趨老僧渾
槃竟誰爲裝蛻軀俛首兀不化過客三歎吁菩提本非
樹何事標枯株蠡涌嶺頭泉逝者如斯夫

梨嶺

竿嶺萬竿竹未若梨嶺奇叢篁拔地底翠葆排天遶蒼
虬百千億飛舞鱗之而太古崑崙陰綠鳳蕃雄雌軒倫
久未截天籟鳴參差行者忌登頓夢上青宮嬉松杉蘊
千尺古桂花滿枝臨風一攀折載路香軒帷夷猶下碧
階絳繚珣珥琪我行亦已遠翹首龍莖移斐然興君子

瞻望歌猗猗

將至浦城口占

輕輶小插桂婆婆一路香聞使者過幾覆黃蘗憐臭味
卅宵青眼費摩挲誰家夢筆才如綺有客臨淵鬢欲皤
爲語皇華山上月肯教清影負幽蘿

縣北有
皇華山

西陽嶺

西陽最雄亘高出楓霞右直上八百級骨僵少豐肉嶺
泉苦寒冽竹木盡疎瘦其南驚斗落縞井滑瓶鬻勢異
屈虬蟠隘足虓虎守咄哉重關外復此天險湊建溪激
于箭分脈疏吭脰土名曰栖皇灘與黯淡闕下嶺憩臨

江幽蘭馨三嗅大湖又鬼峩喟然歎修表

塔嶺

石坡雞三號夙興乘曉月假寐籃輿中清夢自飛越霧
露霏我衣白雲近出沒晨曦升東峯塔嶺照突兀循崖
俯大溪灘聲盪石骨縈紆亦已高每喜憩清樾荷嶺陟
復降終朝勞勃窣山巔開稻畦引泉流汨汨卽目感民
生勤哉事耕堡

營頭

營頭隸甌寧置傳則建陽所司非所治送逆紛周章閩
驛盡設夫不比馬力强登頓易竭蹶叫喚難調良此地

先天房言集卷之二
實交錯挹左右或妨我昔司郵政咨度重改張利害百
則變因陋非治方竭來重感歎經野悔不詳

書所見

山碧千春色灘流萬古聲谷神原不死何處證無生

建陽館清曠亭

羣山眺東西濯錦梁南北憑軒古大潭美比鄒魯國客
館有曠軒交水臨清澗隔溪妙高峯觀面青芳崩扁舟
互上下漁磯俯可卽旣佳霞月宵亦奇空濛色我來適
坐肅徘徊待日昃秋風颯然至已覺消炎斂良友對談
宴披豁共心臆舉案舊噫鴻庚辰冬與仁室陳夫人同憩于此聽雨前

記賦因竹君家只庚寅典試雨留館中一日過客攬光陰俯仰成感憶不

見山半泉混混長不息

謁明太師楊文敏公墓臨寧縣豐樂鎮北

辛樹參雲四百年東楊墓碣尚巍然相才密勿歸清祕
館閣聲名重昔賢

自茶洋至清風嶺

岳溪何迢迢十里始上上旁睨萬丈灘吼及宵雨漲臨
峽深無梁一葉輕可榜白沙又舉犖肩輿隨覆仰振衣
清風嶺秋氣蕭沆礪猶疑津底劔芒寒俯高闢大哉五
嶺外闢此無盡藏誰燒古松根長鬣搖翠障灼灼紫微

花凌雲正開放何當御風行率牛倘可傍

三岡嶺

有嶺上無梯高高盤白雲俯顧下愕眙仰接天氣氤氳三
岡迭起伏儵忽移涼薰浴溪鑿山徑徑絕山亦分遂穿
山腹脊開道出異軍行役豈辭瘁及此日未曛土名三
萬洋高下田哢哢慰我僕夫虬視彼田閒耘民生各有
役不匱庶在勤

紀所見

日晡時與澄江坐對軒前雨忽至虹脚直貫庭中階上青紅陸離宛若可絕比呼僕

來則漸散仰視天東自北迤南不知插入何方矣

八月五日日欲西飛雨忽過天投蜺紛員五色透丹碧

自空下貫當庭磬龍身蜃氣近咫尺渴虹飲井驚瑣鯨
樹烟窗影交盪射張弓欲把扶桑低無諸忽垂釣龍繭
延津復躍干將妻霄開帥閉見了了被髮一蹴蒼麟蹄
凝眸彈指漸變化超跨天半揚旌翳瑣廳深闕詫我友
呼奴已隱凌雲梯萬人袖手仰挈貳誰得覲面軒端倪
洗心揩眼七千卷會有光怪來吹藜

九月十六日新舊諸生邀予會於鼇峯書院感賦

三十二韻

丸山實隩區鼇峯舉其秀憶我庚辰來日月在龍蹏披
文簿書隙四鼓下譙漏豁眸剪檠燈幽芬得蘭臭遠惟

李常澤飲食尚閒豆五年進諸生根本相勸懋中間試
福州奇髦擢童幼爾來蔚成材磊落明光奏每當春明
新顏問風雨舊敢云覩抗顏念此真意厚老我久荒蕪
經史疎句讀恭膺

使命榮作人歌薪樞重攀霞嶺楓又攬冶城柚居民識
使君所愧非郭寇璵闢七千卷五夜靜校納所撥盡驅
胎豈免遺鳳鳴相逢雜悲愉執手同解后邀我講堂中
清池照碧岫不辭一樽酒心醉真飲耐廿年感存沒林
蔡草已宿謂林于宜編修樹新交與故知努力勉
將就此邦紹鄒魯豈獨誇組綬相期德日新莫慮賈不

售我今如楓鐘曷以當撞扣嘉茲重殷勤爲爾聊宿願
昌時連彙拔大府勤拭揉師資有典型麗澤宜獎救百
行苟不譽信順天所佑我行逐星槎去去不可又迴首
隔層雲望望溼襟袖不見延津光離合誰能究何用爲
贈處三言不遠復

謁考亭

夙興梁錦溪更出西門道滄洲望玲瓏柏葉紅未掃西
南謁考亭瞻拜仰崇僚精舍緬竹林手植樹合抱四賢
儼配祀水日爭皜皜後堂拜韋齋重樓挹鮮灑玉枕負
奇峯翠屏面環島雙溪自西來曲注何浩浩大賢終焉

地名勝宜天造斯文在人心江嶺同不老鯁生再入闕
景行愜幽討庶幾勉忠信可以羞蘋藻

得經兒北闡捷音

清湖好語尚徐徐衢郡題名信匪虛我愧無田貽式穀
汝堪怠學負賢書

國恩兄弟輕輶會

世澤兒孫厚積餘多少肩鋤仍望歲漫言容易不菑畲
呈願河干先生

我年十五從師遊奇字疑義初討蒐倪黃易傳強涉獵
韓孟詩句爭唱酬布衣氈帽惡不恥夜雪僵立談魯鄒

歸鴻南望感客夢商聲苦調清猿愁臨岐拜別淚霑臆
如失喬木啼嚶啁微名早竊辱詞館六年契闊祥琴幽
壬申計偕接杖屨梁園假館少沐休

詔遴羣才聚東闕兩立名姓欣傳籌拜

恩試尹潤畿輔經術吏治非距鉤黔南粵東愛樹在良
二千石吝刀牛抽身忽作歸臥計湖山勝絕吾菟裘離
師廿載矜未化講堂樞謁來今秋吟風弄月心欲醉河
汾弟子慙薛仇使旋道浙暫信宿那得早暮依庭楸白
駒易馳行難立輪轅豈免虛車羞願從先生更請益示
我歸處淙東流

呈金少宗伯師

我初受公知弱齡十有七我今年幾艾公行開八秩俯
仰三十秋靈光正鬱律公昔射太甲摩空五雲喬寅清
贊邦禮纘密更玉粟授經本根地直諒正心筆翩然疏
傳歸晚節湖山逸錦堂秀眉齊數馬萬石謐冰鏡照大
邦藥籠慙芝朮今秋炙霽光德充氣顛實搗來再摳衣
曠暉戀冬日移情及屋烏離心逐傳驛憲乞遲桓榮耆
英有富弼明年祝

釐來九老待公一

餞同年張樊川大司成二首

黃花紅樹接江天送遠頻斟藥玉船宦久幾人歸書錦

交深何日聚星躔恆河不皺三千水

樊川戊子生今年七十有三甚健

昕鼓曾擿二十年

前後官司業司成最久

肯爲兒孫計田宅君家

辟穀有真傳

老去詩篇律更工清詞綺語氣如虹長松霜後心知素

舊雨燈前頰映紅集擬樊川真小杜圖成笠屐似髯翁

張多

他年應訪山山路笑指蓮花拄杖同

五箴

珪奉

命內直得侍

殿下于上書房越今年中間已亥仲夏奉

使典試閩中仲冬歸違講席者半載耳

殿下天性醇粹好學時敏既熟於經傳爲詩文日進
而於大學理欲義利之分史策是非邪正之辨尤
三致意焉今年八月珪聞視學福建之

命感戀交集蓋將三載遠違禁廷豈能恕乎

殿下寵以七言六章情文斐篤捧讀沾臆伏惟情固
無窮而理貴有益鹿鳴之詩曰人之好我示我周
行隰桑之詩曰心乎愛矣遐不謂矣然則言之切
於身心者亦珪之所以自效者也竊慕瞽史師工

之義作五箴一曰養心二曰敬身三曰勤業四曰
虛已五曰致誠以

獻敬荅

厚意焉

養心箴

心惟天宰虛則善受心以思官靈該萬有百體聽令隨
厥左右理之不存欲據而守憧憧往來物引知誘神之
弗瑩氣餒而糝離焚坎溢乖其儕耦動靜交養主一則
壽寸田可治培禾拔莠寡欲斯善存存无咎

敬身箴

身爲家本脩之則昌身以德潤敬之則強威儀抑抑非
衣之章視聽不忒非佩之璜無曰狎侮耳屬于牆無曰
宴安神瞰其旁與賢士親芝蘭襲芳爲善日益不扶而
長君子之身萬夫之望曷其弗敬而壽而康

勤業箴

民生在勤勤則不匱大業富有非勤曷萃彼農搢搢芸
疏種穧一飽是謀亦孔之瘁眈眈廣廈或逸厥志不思
其艱而圖其易運甓有庸惜陰如駛無奮于暫而久則
劫緝熙之光日省月計誰曰道遠千里以至

虛已箴

禹惟不矜莫與爭能顏無伐善拳拳服膺一言之哲一
藝之勝招搖自市中乾外朔河伯觀海望洋自懲上善
若谷萬籟是騰簸之揚之不過斗升土壤不讓爲岡爲
陵聞過取善德以日增虛已求益錫我百朋

致誠箴

桴鼓有響方圓有影謂彼可欺我已自省植核于園汲
泉于井無掘其萌而斷其縷口惠不實不如畫餅有美
在中可以衣裝發言必信改過必猛如揭日月而無蔀
屏一室樞機千里引領致曲能誠慎知于靜

九月二十五日宿德州與山東學使程澄江戶曹

別

君方軒蓋臨湖水我獨輿轎向嶺楓
半載論心陳義古
五宵連榻拜

恩同媵修宵負三生石
綵筆應千丈虹
記取前期日
觀輿何當攜手看磨銅

泰山頂觀日出歌

二十九日至泰安登山宿東齋閣
三十日雞鳴起
明星高矣風甚不能上日觀
乘肩輿至岱頂拜

玉皇殿風欲掣人道士引至東軒浴日
養雲處適遮西
風而面東日射海氣如環帶如抱虹
五色其外青

黑者海山也近如蝸涎者汶水也稍遲乙地放紅
霞日將出矣有金線如月初弦瞬目則已吐金鉤
嘗時如金卵俄而金毳滉漾正圓視之有無稜凹
凸瑠璘狀再升則赤金鏡動蕩有黑影浮撒合離
是人目之眩耶抑所云日中烏耶再注之則晶瑩
射人不可正視矣蓋所傳雞鳴日出者惟夏夜雨
後日出本早他時亦不能也此地尚俯視日觀峯
微不如峯之東向空無一物耳然奇觀大畧亦得
之矣睇視岱頂石幾十五六瓣圍以硃欄恐摩挲
者之瀆也

去夏陟嶽齋靈宮夜半雷雨傾天驄平明下盤百悒悵
不見海日暎初紅今秋使闕復過此躋攀再上摩蒼穹
黃昏排雲百不顧擁裘夜坐僵寒蟲時當秋杪月向晦
天低星爍輝穿櫳五更鬢發萬龍吼出門魂蕩愁剛風
齋誠直謁太清頂逕轉左个天冥蒙西颺恰避東望豁
俯臨日觀平可礮涎蝸導汶細于髮圓幪帶海鼓如弓
際天青黑擬蓬島浮地黃紫噴蜃虹須臾明霞爛萬匹
一線金織抽絲纓雪如弦月目未瞋珊瑚鈎上懸玲瓏
天鵬啄菴巨鵬卵羲和濯手何匆匆熈毳湧出正突兀
真人爭把勢盪衝碣磴凹凸億貝聚闕浮檀面光圓融

磨鏡珠旒青木末列錢璧吐黃金缸影飄黑子乍離合
躩烏欲翫行復變倏然騰梭芒四射指眼已見升青空
蓮花頂髻更凝睇辦開十六根難窮無字窟劉辨石立
借頂無字碑舊傳秦始皇物劉崖唐宋嗟火攻嶽廟後
顧炎武辨爲漢武帝立石十四年磨崖碑其下三尺爲搨者冬月構火蝕之葉彬
補書其東宋大中祥符元年述功德銘爲明人狂坦題
名及翟濤書德星岩三大字蓋其上遂不可讀

聖朝大書照雲日底事封禪誇升中茲游壯觀補前闕
自夫飛下馬首東

寄東辛麓廉使

三年契闊想披襟一紙緘封思不禁露冕西河眞望歲

洗馳東國更爲霖鍊金繞指含剛德照水摩尼證素心
五十韋編談豈易還憑遠使問而今辛麓遠于易子與之年皆艾矣故云

郟城贈王同年恆

我愧知非君古稀廿年握手欲沾衣故人白首真無恙
晚節黃花倍有菲莆海循聲棠蔭野玉堂清夢月盈扉
韋經萊婦長相對目送浮雲萬里飛去夏過郟問君有不知而率對者行至紅花埠訪之民壯李蘭乃喜君無恙今與立齋同飯于十里鋪館

白髭感次兒錫緯也今年七月望日卒年廿二

汝病吾鮮寐汝天吾鮮哭豈知領下髭白莖已五六有
孳方婉婉有孤僅匍匐那無延陵悲葬汝金霞麓十年

養靈鉛志欲輕纏東哀樂入方寸何以抱吾蜀人生誰
不化妻子苦敦趣東門愧遠觀西河戒賢躅尚生願詎
了居士果未熟形影逐浮查百年行亦速

過清江東玉亭制府

珪年十八受知于鄆陽相國
期我最厚登堂拜母七十三

矣

卅載通門辱舊知直排東閣擬重窺作霖作礪作舟楫
汝聽汝明汝翼爲官政五旬開節府起居八座拜經綸
國恩世績誰能紀願以蒼生繫職思

過嘉興角里街訪馮孟亭同年畱飲卽席兼柬陸
朗夫方伯盛鏡川秀才

經年又泛鴛鴦水此日重過煙雨樓

去冬十月十六日偕孟亭朗夫飲於

煙雨樓

樸學野王傳世美

孟亭長君應擢官通參其弟集梧今秋舉于鄉

相佇嘉猷相逢一度一回老恰遇三人三徑幽況對孝璋真玉潤深杯那得不綢繆

寄柬王偉人少宰

樽酒蘭言剪燭時清香不隔絳紗帷武功風雅官仍貴沂國平生志自知漸水三懸冰鏡朗南宮再總玉衡司相思若有凌霞便消息梅花寄一枝

蘇嶺壘前韻

螺髻裊煙黑松欵插幃青石濡防潤砌珠細未瑋瓊

聽雨

新恩暫聚星重來試嶺路桑下已三經

窯嶺疊前韻

餐風怯雲屯窰雨集軒仰元冥洩地房屏翳排天仗輿
轎度蘇嶺舊蹟覽方丈聿來窰嶺麓但見甌氣上山鬼
出陶篁盤渦澗鳴礮荆薪乍賜睽抗墜忽霄壤惜哉空
隕行佳勝成夢想誰滴青驪鬃下視迷蒼蒼

仙霞嶺

曉霧濛濛隱翠霞飛淙滾滾落谿舂半穹釀雨三邦渥
一徑盤雲四壁遮回首凌兢蹙地崩摩肩噫喝逼天關

壯哦空度仙關峻誰養靈鉛轉大車

楓嶺

大竿楓嶺一岡連延袤嶽巒到極巔龍脊平分聞浙界
鳳梢低拂女牛躔化人泡影猶遺蛻老樹雲根不計年
慚愧靈山來舊雨高尋初地問因緣

梨嶺

梨嶺捎雲萬个生天風吹雨夏淙琤好攜綠軸青藜杖
來聽龍吟鳳叫聲高擬蔚藍摩蕩蕩平臨滄海皺盈盈
輪伊玉版參禪客飽臥昆臺最上成

漁梁謠

無衣無裳莫上漁梁

二句
諺語

漁梁一夜雨霏雪赤脛輿夫

皴欲裂越人漫誇冬不寒朔客始訝輕裘單薰籠垂腰
繖插肩石嶺滑澆行路難相逢但說冷得緊下梁沽酒
暫須忍

謁真西山先生祠堂

仰止西岩眺越岡
摳衣再拜裊心香
正宗文帙嚴流別
衍義經筵敬對揚
眞僞何人滑黑白
見聞有脈紹朱黃
梨關建水清于沐
化雨千秋徧海疆

下嶺

西陽與大湖北
亘南逾陡嵯峨
凌楓霞坎窞墮
飛走大

溪經其東分隘不獨守名逃五嶺外實扼七閩口我行
積雨後注目滑跟肘神慙伯昏射道乏呂梁叟梯田疊
高下畦水長奔吼竭蹶良已勤所願在簞簸請爲勞者
歌羊牛保康阜

過荷嶺馬嵐早飯

冬陽輝輝荷嶺道紅葉滿山香不掃下嶺坡坨瞰大溪
拖舟上灘如上梯去船順流激于箭老板長招破洄漩
馬嵐小憩致亦佳檻前滴翠水浮涯今朝曠暄無不可
三杯軟飽腹易果却憶淋漓度嶺時溪山俯仰回春姿
入閩寄竹君五兄三十二韻

先考閩自出此邦有根源

祖妣馮太夫人閩人也生我先大夫

我昔歲

庚辰繡豸初參藩輿轎察儲傳陳臬求平反甲申見星
去歲暮空號奔兄來庚寅秋倚桂攀蘭蒸十年曾手植
匠顧森舊園玉局才浩浩伯淳色溫溫鄂不會比屋椒
華獨盈鱗昨夏我拜

命復披江郎跟榕樟翠連畝橘柚黃垂獎雞聲八千卷

虹挂五色蜿拭眸相月晦

八月三十日得兄學使信醒耳

皇綸言兄名重特達學使遲雙幡十月月幾壘相遇於
石門槎浮互南北雁影交寒暄書辨六八體經窮十二
繙男崩海嶴蕩武夷仙幔擲瓜期忽相代棣碑覲更番

賈敦頤爲洛州司馬人爲刻碑弟敦實又爲長史人復爲立碑其側號棠棣碑 汝往易兄歸親

承

天語恩馮君歌大小

馮立與兄野王相代爲西河上郡大守民歌之曰大馮君小馮君兄

弟繼踵相因循聰明賢智惠吏民

象郡無輕軒

夏侯夔爲象州刺史兄

德本八座貴

閻立本代兄立德爲工部尚書兄弟相代爲八座時人榮之

徐岐兩鎮

尊

李愬自鳳翔隴右節度代其兄願爲武寧軍節度使弟兄交換徐岐兩鎮

鳳閣韋授弟

韋嗣

立代其兄爲鳳閣舍人

講筵高薦昆

高元裕自侍講爲中丞表言兄少逸才可任因以命之

數典昔誇盛載路今傳誼凌江眺浮玉升岱賓天孫蕭

山得追遠祠墓羞飶膳古松陰黃閣越寨徙至元別子

收本支自上荒莫原

子始祖福三公遷蕭之越寨在元至元間以上無考近有朱村橋

譜修於乾隆三十五年云 福三公明宏治 三江羅穀
元年進士自朱村遷越寨附會不敢信也

水七里鷓鴣疊楓關寒度雨荷嶺晴開噉計日喜握手
連牀愜吹塤暫聚同燕笑惜別懷鴻鸞何當三載後長

哦雙樹根

雙槐在冠山兄老屋先人手植也

謁考亭

登慶雲樓眺玉枕翠屏諸峯溪水自西而南而東環抱如帶亭前柱樹林立黃楊參

雲宋元物也

沙莒合流玉尺西右折左注如抱臍考亭卜築得而勢
天與靈勝宜岩栖我公道大遯且晦手注聖籍巖端倪
兩楹夢奠比曲阜雙峯神降先九溪此邦遠近五百里
道南前後星聚奎書院賜名理宗筆大德畱碣熊禾題

古桂五株冬更翠黃楊千尺閨不低大賢手植擬楷檜
層樓眺望周角圭連年使路訪名輿再拜遺像摹元鑿
石城妙高歧黃蔡青洲雲谷遲攀躋歸來水閣坐清景
源頭活活月滿溪長吟欲罷夜氣靜默存待旦鳴天雞

雨中下船至瓜園

布帆瞬息下輕舟風穩灘平異上游兩岸嵐煙蒼欲滴
幾灣江漲碧於油經冬葱蒨非寒木聽雨淙琤間水籌
廿載棠陰應未剪一雙清鷓在高頭

冬至集飲山亭湯賓鷺有作次其韻

聞冬恆燠若陽發陰不凝使星掣電火一似挂錫僧
若

兄作亭古簪疾來盍朋爲山平地上忽覩嶽岑升椽藥
插劒笏雲臥扶翻崩仰晞風濤集倒影鬻沸澄笥仙乃
善幻吟賞識吾曾豁開勾漏入攀髯丹邱仍手劔辨蟲
鳥心巧輪環能我來試齒屐佳節隨肩任相於其樽酒
及此羣攀登左挹鼓山翠右盪浮圖層蒼篔簹个个茂
悅宜承承暢月適嘉會感概中坐興兄如北戶鴈我逐
南溟蒸交柯蔭蔭萼瀉水分淄澠對牀旬有半繼踵襲
所稱綠蟻暫冥冥驪駒會騰騰三庚憶來去庚辰子始
來閩庚寅
兄來庚子子
來而兄去廿年捷超凌學山吾豈敢畚土愚莫增虎
榜尚狙袞龍門爭楷膺金石志夾漈般若摩陽冰三華

然松炬九曲撞斑藤卽看萬丈燄演出無盡燈一卷拔
吳華駢羅俯昆曾玉茗發高唱兩舉快噉鵬朱陳疊賡
和纍纍珠貫繩穿林對清鷓愧彼逸翮勝杯屬肝膽露
瀾翻輔頰滕綢繆憶別愴拭袖醉已膏

竹君兄將發惘然口占

筍仙山上雲根潤韡雅堂前花乳萌天遣深冬聽雨足
芭蕉昔昔打窗聲

執經弟子談三鄭辨字兒童解二徐好在棠陰難繼踵
悔余只少十年書

汀州試院天香堂前補栽兩小桂他年或不借香

於鄰寺乎用昌黎杏花詩韻

夫香堂前樹久空昨來正值鄰花紅木樨香滿透鼻觀

獨繞庭月吟秋風百年惆悵舊神物

天香堂爲康熙乙丑補隨所題

成拔宅淮山同臨行寄語風雅尹爲我補植參天功今
冬重來一莞爾盈尺抱藥雙盆中郭駝善種戒搖本董
虎妙守嚴深叢移栽恰當北陸雨招魂豈反南江楓我
如印爪行又遯誰抱拱把生無窮後來好事或過我婆
娑培護堂之東前榮老柏應大笑定有觴夢嘲莊翁

送沈嵩門歸杭

隨身卷軸擁專城性癖難銷武庫兵三篋遺忘憑問字

五箴感慨爲知名纔聽驛館連牀雨

明令兄方至

又放鴿原

破夜聲

聞令弟計

同病相憐君獨去嶺雲楓樹不勝情

六月廿七竹君先兄忌日二首

半月連牀雨三生觸石雲歸真寧作達後死恐無聞手
跡磨崖遍牙籤插架紛那堪經此日反袂憶遺文

最了無生旨難忘不朽名文章金薤重富貴白衣輕芳
樹空連理青山醉一觥相知論海內作誌愧欒城

食興化荔枝用昌黎游青龍寺韻

閩南荔枝壓五管不與瀘涪競修短福州捷餉三日餘
莆口今來萬樹滿火鈴朝綴赤標旒珊瑚夜撒雄龍

絺蒙媼女肉芝丹菹豚生雛紫鷓卵色香交絕味又腴
江珧河豚雙壘斷凝脂無骨得溫柔糝玉搏膏消渴旱
初驚天豔戒傾城漸饜瓊漿頻罄盃月當五六游豈常
陷餘三百誠非誕憶昨承華直 清禁長巖彙筆事紬
纂 賜出丹宮碩果珍榮分青案千緡算卽今瑣院靜
鉛黃齊玫磊磊饗朋伴內熱何須醯醬調生涼更合饗
泉澣蠶聲食葉戰方酣蟹眼煎茶睡莫懶木奴無賴嗜
素封石髓有緣傲中散貴躬凡口亦等閑地氣天關割
峻坦玉環邂逅山澤深從來九物生應罕太華蓮藕井
可梯西域蒲桃關久款兼熊膏借仙葦涼伏火應耐地

疏暖青楓夾石葉殷秋幽蘭隱谷芳滋竅遠生底事歎
娟娟使查爲爾行緩緩

贈譚蒼亭廉使

尚忠

憶昔各少壯南北登賢書及公捷南宮哲兄亦連茹

未

蒼亭與仲君
家兄同榜

藉甚蔚然位相見京華初干邪氣騰上淬

鏘青夫渠我出度閩嶠公來乘高車繡衣行泉廈保障
非爬梳樽酒數晨夕莊惠知濠魚浮雲一朝幻聚散風
中鷺春明重握手喜劇成歛歛白虹氣特達玉汝方礪
諸露晞到潮海歆水流清譽傾耳大河南吏畏絕苞苴
我亦辱鞭弭駑蹇行次且旬宜覲左城契闊再攬裾牙

驚撫江北牧夢安旄旃迴翔南溟息甘棠蔭比閭茲方
忽邂逅舊雨今何如彈指卅七載燕鴈感蠶驢公齡已
周甲我亦艾有餘願各欽晚節黃花香可糝

劉母某烈婦

明季兩盜割楚疆黃虎南噬輪李強洞庭風惡不得渡
投琰大詢飛廉僵連舟千檣燒楚女赤光照水波翻蓋
遂殘長沙破衡永龍種野走驕豺狼當時餘醜肆焚掠
玉石不辨灰崑岡寧鄉有母抱稚子中道遇賊何倉黃
顧僕以子脫戎莽獨前就義甘火湯寇去蹤跡得死所
可憐骨碎咬刀鋸不知何以當賊怒想見金鐵爭精剛

鬼雄呼天天鑒善厥子錫類傳烝嘗百年到今更有後
欲補國史揚芬芳嗚呼寇氛值劫運山川羞憤草木創
不有奇節扶正氣誰洗日月回光苙我聞劉母起慨慷
一爲楚歌歌國殤

雨中度仙霞

天關劃陽陰閩浙分大竿旬餘得暄霽山花映楓丹踰
嶺日未午瞥見雲容攢小竿上瀟瀟奔騰如飛翰羊糞
化初平濡毛溼長鬚蒼莽狎仙霞不辨雲海寬小憩翠
微寺磴滑危累丸側聞輿人語斗覺衣袂單濁醪聊共
慰欲歌行路難

江郎石

峽口喜新晴遙覲江郎面羣峯讓而頰巍然出峩弁行
行環其西壁削火赧鍊漸近露傑虎高髻搖盛鬚石骨
排劒牙昂首闕猛贄北轉得正觀三指擘鼈抃鄂不連
厥根左豁右一線兩耦參爲奇友于復婉變我來六謁
之舊夢愜新見山靈或開于天月妙根竈薄暮首清湖
回顧猶眷戀跋燭紀茲勝飛霞想片片

十二月十一日望嶽

天下名山第一尊東來元氣崑崙五三封禪泥書祕
齊魯華離帶礪存昔上層巔看日出今憑急傳遡風輪

片雲膚寸春膏近始信鍾靈自有根

李晞古畫黃山谷廬山觀瀑軸子

李唐畫比李思訓涪翁名埒蘇子瞻楓根倒戛鐵船頂
瀑布橫落康王簾秀眉魯山海頭黑不是魯直道亦得
彫坡篁幽泥滑滑石牛洞天觀鼻息道山清都玉龍竇
黔州宜州身外身委蛇九淵壺子走出入齊汨忘水人
山面山中壽非相有髮無塵寓重闈渴吞宮亭詩畫無
似矣輞川差倔彊

題先德圖

閩水滙三源閩山導五嶺伊人溯先德明發動深省錫

類自有真純孝比鄭穎浣牖問起居吞虱豁矇眚教出
得侍御天性賦骨鯁秕莠嘉廟初昌言排厥曠挂冠遠
罽羅戀闈祝噎哽飄然鴻鵠心何愧龔與邴清操好胎
厥五世澤方永夢想侍循牆優懷接響影繪圖儼磬折
善學傳弓檄信知忠孝家奕葉光猶穎璇源早潤岸和
璧終厥井勗爾來者賢繩繩汲修綆

題修竹圖

叢叢萬竿碧完完一輪明成虧本無意不知棲鳥驚龍
井招提宿梨嶺輿轎行何處寄幽興妙解娛色聲伊人
固靜者摩詰悟前生無茲亦可撫載酒爲君傾

鄭廷濟詩集卷第六終